

Communicaziun allas medias

Cuera, ils 28 da schaner 2016

Charta Parc Adula

Gie alla natira - gie agl avegnir dalla regiun

Ord perschasiun din Pro Natura e sias secziuns cantunalas el Grischun e Tessin gie al Parc Adula. Ellas considereschan il parc sco schanza unica per mantener l'ierta extraordinaria dalla natira e dalla cuntrada entuorn igl Adula ed a medem temps sco perspectiva d'in avegnir economic durabel dalla regiun. En sia risposta el rom dalla consultaziun concernent la Charta dil Parc Adula s'engascha Pro Natura per ina ferma Charta, tut tenor il motto: pli fetg ch'in parc naziunal sedifferenziescha per ils visitaders d'auters territoris e pli gronds che siu nez ei per tuts - per ils carstgauns dalla regiun e per la natira.

Ell'Europa dat ei oz 300 parcs naziunals, dapi igl onn 1990 ha sulettamein la Tiaratudestga realisau 12 novs parcs. Las regiuns profiteschan economicamein e la natira vegn protegida. Silva Semadeni, presidenta da Pro Natura e cussegliera naziunala dil Grischun, ei perschuada dall'idea dil parc naziunal Parc Adula: «Igl aspect genial dall'idea dil parc naziunal ei il fatg ch'ella lai anavos a liunga vesta mo victurs: la natira vegn protegida e las perspectivas economicas dalla populaziun rinforzadas.» Per las valladas el Parc Adula seigi quei ina schanza historica, cuntinuescha Semadeni. Pro Natura sustegni perquei ord perschasiun il Parc Adula ed approveschi claramain la fundaziun da quel.

Megliers ch'il parc naziunal ei e pli gronds ch'il nez ei per tuts

Per ch'il nez giavischau seigi per tuts aschi gronds sco pusseivel, sto in parc naziunal haver differenzas veseivlas e percepiblas en cumparegliaziun cun territoris che fan buca part d'in parc naziunal. Era per quest motiv s'engascha Pro Natura per ina ferma Charta. La consultaziun concernent la Charta dil Parc Adula finescha igl 1. da fevrer. Per Pro Natura han ils suandonts puncts potenzial da vegnir meglierai:

- Il reglament d'utilisaziun cuntegn biaras excepziuns per differentas gruppas d'utilisaders. Igl ei pia dubiteivel, schebein il svilup liber dalla natira ella zona centrala perscret ei percepibels e distinguibels visavi territoris che fan buca part d'in parc naziunal.
- Ella Charta vegn menziunau che la zona circumdonta hagi neginas consequenzas legalas. Quei ei buca correct. Ella zona circumdonta han las vischnaucas en mira las finamiras dall'Ordinaziun davart ils parcs d'impurtonza naziunala. Projects futurs ston risguardar quellas. Plinavon ei il perimeter dil parc incumplet; probablamein per haver spazi per gronds projects futurs. Quei cunterdi al senn d'in parc naziunal.



Il svilup dil Parc Adula vegn denton buc ad esser a fin cun la fundaziun. Il svilup ei in process, per il qual ei drova in punct da partenza. Jacqueline von Arx, menadra da fatschenta da Pro Natura Grischun, manegia: «Ei drova finamiras ambiziusas ch'ins persequitescha pass per pass e cun tut ils participai al liug duront il svilup dil parc.»

Parc Adula: in'incumbensa dalla populaziun

Il «Parc Adula» ei in'incumbensa dallas habitontas e dils habitonts dalla regiun. El sa era vegnir fundaus mo cun il consentiment dallas 17 vischnauncas dil parc e lur populaziun. Christian Bernasconi ei il menader dil Centro Pro Natura Lucomagno el territori dil parc e viva el parc planisau. El ei segirs: «Igl ei ina schanza unica. Nus savein mantener nossas cuntradas grondiusas a liunga vosta e decider sezs davart in futur durabel. Jeu sperel che biars vesan las schanzas ch'il Parc Adula porscha per il futur.» (3402 segns)

Ulteriuras informaziuns

Silva Semadeni, presidenta da Pro Natura, tel. 079 385 53 57, silva.semadeni@parl.ch

Jacqueline von Arx, menadra da fatschenta da Pro Natura Grischun, tel. 079 792 23 52, pronatura-gr@pronatura.ch

Urs Tester, commember dalla direcziun da Pro Natura, menader dalla partiziun Biotps e specias, tel. 079 534 16 32, urs.tester@pronatura.ch

Christian Bernasconi, Pro Natura Ticino, menader dil Centro Pro Natura Lucomagno ad Acquacalda, tel. 079 262 16 51, christian.bernasconi@pronatura.ch


Quella communicaziun vegn era publicada per tudestg, franzos e talian e sin www.pronatura.ch/medien.

Maletgs da pressa dalla regiun dil parc naziunal planisau «Parc Adula»

Download: www.pronatura.ch/fotos-parc-adula



El «Parc Adula»: la fontauna dil Rein posteriur al pei digl Adula (Péz Valrein)
(© Pro Natura / Raphael Weber)



El «Parc Adula»: cavazzolas a Gorda ella Val dil Blegn (© Pro Natura / Raphael Weber)







El «Parc Adula»:
Laghetto dei Corti ella Val Malvaglia,
Grischun davos igl Adula (Péz Valrein)
(© Pro Natura / Raphael Weber)



El «Parc Adula»:
sin il Pass di Passit, denter las valladas dil
dil Sid Mesauc e Calanca
(© Pro Natura / Raphael Weber)



El «Parc Adula»:
il Pian Gran ella Val Mesauc
(© Pro Natura / Raphael Weber)



El «Parc Adula»:
il Plaun la Greina dalla vart tessinesa
(© Pro Natura / Raphael Weber)

